

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

Z A K O N

**O DOPUNI ZAKONA O UTVRĐIVANJU NASELJENIH MJESTA I O IZMJENAMA U
NAZIVIMA NASELJENIH MJESTA U ODREĐENIM OPĆINAMA**

Sarajevo, decembar 2016. godine

ZAKON

O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA

Član 1.

U Zakonu o utvrđivanju naseljenih mjesta i o izmjenama u nazivima naseljenih mjesta u određenim općinama - Prečišćeni tekst („Službeni list SRBiH“, br. 24/86, 33/90, 32/91 i „Službene novine Federacije BiH“, br. 14/04, 59/05, 68/05, 81/11 i 25/12) u članu 2. tačka 33. iza podtačke a) dodaje se nova podtačka b) koja glasi:
b) utvrđuje se novi naziv naseljenog mjesta „Brig“

U istom članu iza tačke 64. dodaje se nova tačka 65. koja glasi:

„65. U Općini Čitluk:

- a) utvrđuje se novi naziv naseljenog mjesta
Mostarsko Cerno“

Član 2.

Naseljeno mjesto Brig izdvaja se iz naseljenog mjesta Mokro, Široki Brijeg i Trn, a naseljeno mjesto Mostarsko Cerno izdvaja se iz naseljenog mjesta Služanj.

Član 3.

Gradsko vijeće Grada Široki Brijeg i Općinsko vijeće Općine Čitluk će u roku od šest mjeseci od dana stupanja na snagu ovog zakona, uskladiti svoje propise o nazivima i granicama naseljenih mjesta s odredbama ovog zakona.

Član 4.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E

Z A K O N A

O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA

I - USTAVNI OSNOV

Ustavni osnov za donošenje ovog zakona sadržan je u odredbi člana IV. A. 20. (1) d) Ustava Federacije Bosne i Hercegovine, gdje je propisano da Parlament Federacije Bosne i Hercegovine donosi zakone o vršenju funkcija federalne vlasti.

II - RAZLOZI ZA DONOŠENJE

Gradsko vijeće Široki Brijeg je pokrenulo inicijativu za utvrđivanje novog naseljenog mjesta Brig, a koje bi nastalo izdvajanjem iz dijela naseljenog mjesta Mokro, Široki Brijeg i Trn.

U zahtjevu za utvrđivanje novog naseljenog mjesta Gradskog vijeća Široki Brijeg broj: 01-02-347/15-8 od 16. 03. 2016. godine se ističe da je Gradsko vijeće Široki Brijeg 27. 03. 2015. godine donijelo Odluku o osnivanju mjesne zajednice Brig, broj 01-02-115/15-5. Ovoj Odluci prethodila je procedura, i to: inicijativa mjesnog zbora građana područja koje je tražilo osnivanje mjesne zajednice, njihovih 320 potpisa, zaključak o prihvaćanju inicijative i utvrđivanje prijedloga Odluke. Ovom odlukom jasno su definisana mjesna područja koja obuhvata mjesna zajednica i granice prema susjednim mjesnim zajednicama i naseljenim mjestima.

Vijeće novoformirane mjesne zajednice Brig je 30. 06. 2015. godine pod brojem MZ-4-1/15, donijelo Odluku o pokretanju inicijative za utvrđivanje novog naseljenog mjesta – Brig, nakon što su održali mjesni zbor građana Briga, Grabovine i Pribinovića i mjesni zbor građana Ljuteša, Marušića i Buhačevine.

Područje Briga čini jednu prirodnu geografsku cjelinu koja se uzdiže iznad užeg gradskog područja, a ranije je to područje bilo neprirodno podijeljeno na više mjesnih zajednica (Mokro, Desna obala, Trn) odnosno više naseljenih mjesta (Mokro, Široki Brijeg, Trn).

Osnivanjem novog naseljenog mjesta Brig, mjesnu zajednicu Brig činilo bi jedno naseljeno mjesto – Brig, a unutar njega više dijelova naselja: Brig, Pribinovići, Buhačevina, Grabovina, Marušići i Ljuteš.

Iz navedenog je vidljivo da bi se naseljeno mjesto Brig sastojalo iz više međusobno povezanih manjih dijelova naselja koji u odnosu na ostale dijelove naselja čine jednu prirodnu cjelinu, da su Odlukom o osnivanju mjesne zajednice Brig jasno navedena područja koja obuhvata ta mjesna zajednica, granice prema susjednim mjesnim zajednicama i naseljenim mjestima, da bi se granice naseljenog mjesta Brig poklapale s granicama mjesne zajednice Brig.

Buduće naseljeno mjesto Brig izdvaja se iz naseljenog mjesta Mokro, Široki Brijeg i Trn, a čine ga dijelovi naseljenog mjesta: Brig, Pribinovići, Buhačevina, Grabovina, Marušići i Ljuteš.

U Općini Čitluk je pokrenuta inicijativa za utvrđivanje novog naseljenog mjesta Mostarsko Cerno, a koje bi nastalo izdvajanjem dijela naseljenog mjesta Služanj.

U zahtjevu za utvrđivanje novog naseljenog mjesta Općine Čitluk broj: 02-02-3158/13 od 03. 09. 2013. godine se ističe da stupanjem na snagu Zakona o matičnim knjigama („Službene novine Federacije BiH“, broj: 37/12) dolazi do negodovanja građana iz dijela naseljenog mjesta Služanj, za koji se koristio naziv Mostarsko Cerno. Građani iz ovog naselja su do stupanja na snagu Zakona o matičnim knjigama mogli upisivati činjenice prema svojoj volji, tako su se za matične knjige koje su se do tada vodile za naseljeno mjesto Služanj upisivali nazivi: Mostarsko Cerno, Cerno ili Služanj. Uslijed dosljedne primjene zakona došlo je do negodovanja većine građana sa područja naselja Mostarsko Cerno koji su Odlukom br. 16/07/2013 od 16. 07. 2013. godine pokrenuli postupak izdvajanja naseljenog mjesta Mostarsko Cerno iz naseljenog mjesta Služanj. U prilog ovome, može se istaći i činjenica da je ovaj dio naseljenog mjesta Služanj imao i svoju mjesnu zajednicu, te da postoji i prirodna granica između njih. Postupajući po Zaključku Općinskog vijeća Općine Čitluk, broj: 01-06-82/16-13 od 04. 07. 2013. godine, a kojim je prihvaćena inicijativa za izdvajanje Mostarskog Cerna iz naseljenog mjesta Služanj, na zboru građana Mjesne zajednice Mostarsko Cerno je velikom većinom glasova donio odluku da se naselje Mostarsko Cerno izdvoji iz naselja Služanj, te bi time bilo zasebno naseljeno mjesto u Općini Čitluk.

III - OBRAZLOŽENJE PRAVNIH RJEŠENJA

Odredbom člana 1. je propisano da se u Gradu Široki Brijeg utvrđuje novo naseljeno mjesto Brig i u Općini Čitluk utvrđuje novo naseljeno mjesto, Mostarsko Cerno.

Odredbom člana 2. je propisano da se naseljeno mjesto Brig izdvaja iz naseljenog mjesta Mokro, Široki Brijeg i Trn, a naseljeno mjesto Mostarsko Cerno izdvaja se iz naseljenog mjesta Služanj.

Odredbom člana 3. je propisano da će Gradsko vijeće Grada Široki Brijeg i Općinsko vijeće Općine Čitluk u roku od šest mjeseci od dana stupanja na snagu ovog zakona, uskladiti svoje propise o nazivima i granicama naseljenih mjesta s odredbama ovog zakona.

IV - SREDSTVA ZA PROVOĐENJE

Za provođenje ovog zakona nije potrebno obezbijediti sredstva u Budžetu Federacije Bosne i Hercegovine.

XXX

Predstavnički dom Parlamenta Federacije Bosne i Hercegovine je na 7. redovnoj sjednici održanoj 03. 02. 2016. godine donio Zaključak broj: 01-02-1815/15 od 08. 02. 2016. godine kojim je prihvatio Nacrt zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, te smatra da može poslužiti kao osnova za izradu Prijedloga zakona. Na tekst Zakona nisu stavljene primjedbe.

Dom naroda Parlamenta Federacije Bosne i Hercegovine je na 9. sjednici održanoj 03. 03. 2016. godine donio Zaključak broj: 02-02-1815/15 od 07. 03. 2016. godine kojim je prihvatio Nacrt zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, te smatra da može poslužiti kao osnova za izradu Prijedloga zakona. Na tekst Zakona nisu stavljene primjedbe.

Federalno ministarstvo pravde se u pripremi Zakona obratilo Uredu Vlade Federacije Bosne i Hercegovine za zakonodavstvo i usklađenost sa propisima Evropske unije, a koji je dostavio mišljenje broj: 02-02/1-02-492/16 od 12. 04. 2016. godine te u kojem se navodi da na tekst Zakona nemaju primjedbi.

Isto tako pribavljeno je i mišljenje Federalnog ministarstva finansija – finansija broj: 06-14-3-2582/16 od 13.04.2016. godine u kojem je navedeno da u okviru svoje nadležnosti, a prema Poslovniku o radu Vlade FBiH, Federalno ministarstvo finansija nema primjedbi na zakon.